

دین غیر اختیاری بر فلسفه ، فلسفه اختیاری بر دیندر

فلسفه محض و غیر محض

معارضه حرمت ، لافیده مرحت

فلسفه حاضره

قانت

مؤدراجات : فلسفه نیک شکل اخیری — اون سکنزنجی عصره
عقل مجرد حقنده تدقیقات و امکان علم — فکره عاند ملکه لک
تدقیق و تحلیلی — علم مافوق الطبیعه ممکنمدر ؟ — روح و کائنات
وله حقنده قانتک مطالعاتی — عقل عمل و اخلاق — صنعت .

مافوق الصیغیات ممکنمدر ؟

— بخشندن مایه —

خبریه اراده - جبریت - اخلاق

تناقضلردن بحث ایدیورز : بونلرک الک مهم و مشکلی اراده و جبریت مسلکاری
آراسنده کی تناقض در. چونکه کرک اخلاق، کرک مسئولیت شخصی اساسلری و بونلرک عالم
خارجی ایله مناسبتی مسئله سی هب بورادن تفرع ایدیور. قانت بو مسئله نی، بو تناقضی،
حادثاتک زمان و مکانه تابعیتی طولایسیله و کندیسنه مخصوص بر شکله حل و تفسیر ایتک
ایسته مشدر. چونکه اونک نظرته زمان و مکانه تابع حادثات ایله، هیچ بر شیئه تابع اولیان
حقایق آراسنده بفرق اساسی موجوددر و بزم حیاتمز ایکی وجهی حائر بولور: اولاً حساس
بر موجودیته مالکیزکه بر سلسله حادثات خارجیه شکنده ظهور ایدر. بو سلسله ده هرشی
یکدیگریته زنجیرلنش و قوانین جبریه تابع اولمشدر. شوقدرکه بو حرکات و حادثات (اصل بز)
دکتر، بزده کی حقیقی موجودیت دکدر. بونلر، هیچ بر زمان و مکانه تابع اولیان موجودیت
حقیقیه نلک، حقیقی (أنا) نلک تمثالیریدر، و صفاییدر. یعنی بز آنحق زمان و مکانه تابع
وجه موجودیت مزله قوانین جبریه بویون اکرز: حقیقی أنا مزله اصلاً ! . .
قانتک بو خصوصه دائر اولان مطالعه سنی عیناً درج ایدم :

« افعالمر ، کندی سلفعلیه یعنی دها اولکی فعالریمزله بر مناسبت جبریه عرض ایدرلر ، هر فعل دها اولکی فعل طولایسیله ظهوره کلیر و تعبیر آخرله هر فعل کسندن صوکر اکی فعلک (سبب — mobile) ی و (محرک — motif) ی اولور . شو حالده سبب و محرک ریمزی — افکار و حسیاتیمزی — کوزجه آکایه بیان بر کیمسه استقبالده کی حرکتیمزی ده پک اینی آکایه بیلیر و بو ، بر خسوفک اولدن حساب ایدلسی قدر قطعی اولور . » [۱]

— قانت —

عجبا بو مطالعاتدن اصلا اراده مالک اولدیغیمیزی آکلاشیلیر؟ خایر ، بویله برقرار قانتک نظرندنه ناممکنلر ، بر سلسله اشیدان دیکریمه بالالزوم بر آتلایشدر . بر انسانک حیاتی ایضاح ایتمک ایچون او حیاتی تشکیل ایدن افعال و حرکاتک ، دها اولکی افعال و حرکات طرفندن تعیین ایدلمش اولدیغنی سوبله مک جبریه مسلکنی تأسیسه کفایت ایتمز ؛ عینی زمانده هیئت مجموعه حیاتی ده نظر اعتباره آلمی و بر طاقم مرئی سلاسل حرکتی انسانده کی خاصه معنویه مک (زمان) آراسنده کی تجلیسی اولارق قبول ایللیر . ایشته مسئله بویله تلقی ایدیلیرسه آرتق جبریتدن اثر قالماز . چونکه موضوع بحثیمز ، جبریت قوانیننه تابع تظاهرات محسوسه دکل ، بلکه تمامیه حر و سربست اولان حقایق مدرکدر .

قانت مسئله بی بورایه قدر کتیردکن صوکر ا یکیدن ایکی سؤال قارشیننده بولونیور :

۱ — عجبا بز ؛ بو خاصه معنویه مزله هر ایسته دیکمزی یاپه بیه جک کبی بر اراده مالکیمی بز ؟ ..

۲ — بو خاصه معنویه بی (زمانک) فوقنده بر قدرت اراده ایله یته بزمی حصوله کتیریبورز ؟

بو سؤالره ویریلن جوابلر هیچ بر وقت قطعی بر ماهیتی حائر اولماشیر و دائما تأویل وادیسندنه قالمشدر . قانت بو خصوصده دیورکه : بزم حقیقی انامز ، نامرئی و آنجیق مدرک بئلکمز (غیر زمانی) بر فعل ایله اینی و یاخود فنا اولقی ایستر ، و (زمانی) اولان حیات بو غیر زمانی آرزونک بر تظاهری اولدیغندن اوده اوکا کوره اینی و یاخود فنا تظاهر ایدر . یعنی بز هیچ بر تناقضه دوچار اولمدن هم اراده بی ، همده جبریه تابع اولابیلیرز : فوق الزمان موجودیتیمزده ابراده و بونک زمان آراسنده کی تظاهرند جبریت جاریدر .

قانت بو مطالعاتنه برده مثال تطبیق ایدیور ، دیورکه : برضیا حزمه سی ، کندی منبعندن صاف اولارق چیقار ، صوکر ا بولی اوزرنده بر طاقم رنکاره تصادف ایدر ، بویانیر ، برچوق

فلسفی شعر لر

معنای حیات ؟

هرشی کچر اوت ، اوکمزده درینله شن
 بر لیلله وار ، یزی چکیور غور تارینه
 بر لیلله وار ، که طوغیه جق فجر تارینه
 قوشمقده یز امید تابدله ، مست و شن !

هرشی کچر اسف و سفر ، الم ، محن
 فردا اولور محبتک آرام حارینه ،
 موتک صوغوق قانادلری عمرک بهارینه
 اوتر شتای سردی نسیاندن کفن . . .

هرشی کچر بو دوغرو ! فقط حسی شعر ایله
 صنعتله ، خواب ذوقله ، حمای فکر ایله
 بیمار اولان اینانماز اوکا ، صاف و بی خبر . . .

هرشی کچر عدمله حقیقتده بر کیدیش
 بیچاره اعتقادینه مغرور ظن ایدر :
 « باقی قالان بو قبهده خوش بر صدا ایش ! »

عمر سمیف الدین

سطح بردن انعکاس ایدر و نهایت آزالیر ، غائب اولور . ایشته بئلکمزده کی اراده ایله بالآخره
 تعصاف ایده حکمز زمان و مکانه کوره آلاچمیز وضعیت جبری ده طبق بویه در .
 بوراده خاطره بر مسئله دهاکلیور . بو ادعایر و مثاللر یالکمز بر شی اثبات ایدر لکه
 او ده زمان تحتنده کی حرکاتمزده اجرای حکم ایدن جبریتک حقیقی بئلکه زده ده موجود
 اولسی لازم کلدیکی در .

شو قدر که حقیقی بنلکمزده جبریتک عدم موجودیتنه قائل اولقی اوراده اراده‌نک موجودیتی کوستریمی ؟ . بونی نه بر روحیات تجربیه‌سی ، نه ده بر منطق قضیه‌سی اثباته کافی دکلدر . چونکه تجربه‌دخی بری دیگرینی استلزام ایدن حرکات جبریه‌نک توالیسندن تشکل ایدیور . . منطلق قضیه‌سی ده عیناً بویله . . چونکه قضیه‌نک ایلک حدلرنده کی حریت و اراده نتیجه‌ده قراره و بناءً علیه جبریه تبدل ایدر و بر تناقضدن باشقه بر شی آله ایدیله مز . شو حالده ایشک ایچندن فصل جیقملی ؟ قاننه کوره کرک روحیاتک ، کرکسه منطقلک حل ایدمه‌مدیکی بو مسئله‌نی (اخلاق) حل ایدر .

قانت دیرکه : انسانده بر وجدان و وظیفه حسی واردر ، یعنی داخلآ اویله بر قانونه مالکیزکه بو قانون نه اولانی ، نه ده اولاجنی نظر دفته آلاز ، اولمی و یاییلمسی لازم کلسنی بزه اخطار ایدر .

اگر حیاتمز حسی و زمانی بر حیات ایسه بز آنجق اولمشدن ، اولاندن و اولاجقدن یعنی کچمش ، کچمکده اولان و کله‌جک اولان حادثاتدن بحث ایدمه‌بیلیرز ، اولمی لازم کانی ادراک ایدمه‌میز . حالبوکه داخلی بر قونله بونی ادراک ایدیورز و بو ادراکمه قارشی هیچ بر مانعه کنیدی کوستره‌میور . شو حالده حرکاتمزده دکله بیلله ادراکاتمزده بر اراده و حریت مالکیز دیمکدر . جبریت بوزاده اصلا موضوع بحث اولاماز .

ایشته کرک کندی کندیغیزی ، کرکسه کائناتی مطالعه ایتمت ایچون قانتک بزه اراده ایتدیکی یکی نقطه نظر بودر . فی‌الحقیقه بزه یکی بر منظره عرض ایدن بو مرکز نظر نه روحی و نه ده منطقی در ، بو آنجق اخلاقی اولاییلیر .

بزم حیاتمز حسی و زمانی بر حیات دکلدر ، عینی زمانده برده اخلاقی حیاتمز واردر . اصل حقیقی حیاتمز بودر ، حقیقی بنلکمز بو حیاتده تظاهر ایدر . شو حالده قاننه کوره یکانه قطعی شی (وظیفه) در . وظیفه‌نک خارجنده هرشی مناقشه ایدیله‌بیلیر ، چونکه کیریسی نظریه‌در ، فرضیه‌در . بزم حقیقی آنامز ، عقل صافمز بزه وظیفه خارجنده هرشیک فنا اولدیغنی و فنالنی کوسترر .

بونظریات ترقیات اخیره فلسفه ایله قابل تألیف دکلدر . بزم فکریمزجه بونوک قانت بو خصوصده اسپینوزا قدر بیلله حقیقته تماس ایدمه‌میشدر . (مابعدی وار)

